

道地經

明九

天竺三藏僧伽羅剎造

後漢安息三藏安世高譯

觀種章第一

從明勝日出像亦顏色行德多中多貴姓尊

明九

行德守本從是種有世間亦天上皆叉手禮
佛是故持頭面爲禮佛爲無上天下無有等
精進者鬼龍天人亦在三界中隨近持微妙
不度者便度死者不復死者不復老者皆從
行得佛法亦行者是三無有行亦德守聽說

諦法自意作行者得味譬如笹甘露常怖觀
見積百餘若不得樂樂窮老死故在世間沒
譬如無有力象墮陷不能自出世間人亦爾
從若干種經取要譬如若干種華積在欲所
作著行道地聽從若欲度世說行者便聽當
說行道地生老病死憂感若不可意愁惱行
者若家中行若棄家行欲壞苦本者欲往得
道無有餘近無有餘歸無有餘能解但當一
切捨如是行者但當一切捨使行道地從後
來說生老病死著意憂便身生苦已欲度世

者便行道地莫獸在身已有老病死從是苦
著意惱生欲隨受佛戒者便行從致無爲何
等爲不可行何等爲可行何等爲行者何等
爲地者不可行者名爲念欲念瞋恚念侵念
國不念死隨惡知識不持戒不受慧不攝意
不受教行不問自期身念色想念常樂想淨
自計身不慧郡縣居羸人共居念色瞢瞢不
離貪多欲多恚多癡多因緣多食捨行貪身
欲睡眠忘意疑過精進失精進畏怖不攝根
多事多說多業多作事久倒教倒意計是亦

如是今世法從道或離道是名爲不可行是
何以不可行離無爲故從後縛束說瞋恚欲
殺常身樂淨受想不慧不隨教若干惡佛說
是不可行何等爲可行念出不念瞋恚不念
殺近明知識持戒淨不多食事問曰身不期
念非念不好念苦念不淨不念身好不郡縣
明九居不羸人共居不瞢瞢自守少惱少事少食
不捨方便伏身捨睡眠意在行正守意無有
疑精進在行離驚怖攝根門少說在諦行受
諦教修諦意喜在空澤中行如有觀未得好

法使致法已致便護多喜欲聞經所身故用足但不足法行知當死不樂世間惡獸食可無爲亦如是輩行法從應欲無爲是名爲可行何以爲是可行從是故無爲從後縛束說戒淨隨信不念身斂受法事德者諦見不侵若干是應無爲得道者佛說法念若干種意定無有苦無有疲已說功德聚攝根伏身應可行行者爲何等意近事如應行行者爲習行者近習是爲行習是行者三輩未得道者學者不學者何等爲道地行者所行是爲行

者地未得行道者爲何等本起次行居前說是行如是說竟學者不學者亦已說道行地名爲止觀何用是止觀但未得四德故欲致是四德何用欲致是四德從是欲致無爲故何因緣致無爲不欲有餘爲故何以不欲有餘爲但欲除一切苦故是故行者欲除一切苦常常莫離莫犯莫穿立止觀若行者穿便不得止亦不得觀空苦亡行譬如人求火便鑽木上鑽著下木便鑽時時中止時時鑽止如是未曾得火但自勞倦道譬如從後現

明九

三

說設觀法行者中得疲意歇行者除行莫穿
莫疲倦者從行便失行譬如夜極冥人冥中
閉目行何時當見明若行者行不冥慧者如
是日出開目行便稍稍慧人得無爲種通經
者若干更經通者觀經教便說止觀餘經散
說是爲道地觀種章品

知五陰慧章第二

從若干經得明堅不老不死甘露聲名聞以
行如明月事者淨者慧明者若守度者更明
并家中行亦爾惡意不可捉不可牽如意是

故施得道者禮得道者稽首從得甘露故貪
爲種多欲爲生慈愛觀喜爲憂支佛說五陰
譬如篋篋聽說從多經牽比行道者當知身
體本爲五種所成色種痛痒種思想種行種
識種如若干戶東方郡字如若干戶南方郡
字如若干戶西方郡字如若干戶北方郡字
亦非一舍名爲郡是譬色亦非一色爲色種
若干色爲色種痛痒思想行識亦如是色在
十入文亦從法受入是爲色種百八痛是痛
種百八思想爲思想種百八行爲行種百八

識爲識種如是當知五種從後現譬說不相
連著但本癡故不聞佛言或習癡故譬如樹
多葉著枝癡惡行著五種成聚五種意計是
身道地行知五陰慧章品

隨應相具章第三

明九

性河開流滿度器滿破六足經蜜突如蓮華
開慧日出服勝蓮華奉事佛清淨淡泊其相
然至尊世絕福祐人視其精固將導者敷演
如經已開化行道者亦當知五種各應相種
相色視相亦色手攬把亦色更痛爲痛相樂

苦亦不樂亦不苦更痛是爲痛相識相爲思
想若女人若男子亦餘是爲思想所作是爲
行若好行若惡行若不好行若不惡行是爲
行想識相爲識好不好亦非不好亦非好識
是爲識相如是五種各自有相從後說說是
色不樂亦多惡佛說在經中如應出說如應
五陰種相若干相分道地隨應相具章
五陰分別現止章第四

所然持甘露種澆五盛陰爲五陰薪從慧明
却壞惡火從三界禮我施禮爲持甘露滅三

毒者從五陰鑽所生隨應持智慧意滅惡火
意三界中尊敬者我亦尊敬意又我自從慧
智力慧者自得如自得知佛便教弟子所說
應行聽說從是意定五陰分別見為從慧力
所守者知清淨自佛從所意知便現事者是
佛所說應行現行明九可知聽說意從是定分別
五陰行道者當知分別五陰行者當那分別
知五陰譬如四街中墮一貫真珠裏一人當
見已見便喜愛意喜欲得珠人見意在珠見
為色陰種所喜可意是為痛痒種若上頭知

是名為貫珠是為思想種若意生欲取貫珠
是為行種從是知為識種如是五種意在一
貫珠俱行便若干作行亦自行如是在一貫
珠一時俱行五陰更如是眼所見色并俱行
五行更耳聞聲鼻聞香口更味身更麤細身
中四陰無有色種生如是五陰種各自分別
知後有說道德者分別如是已得是經說未
得道者受著心心如是行說我亦現是說道
行五陰分別現止章
五種成敗章第五

已知要得佛要中竟要作要并得要已竟并
要已更無當禮應無所著多聞無有量所語
言說譬如明月明為弟子得明知畏惱罪從
生能壞幹已知五種陰得明成敗如有當稽
首聽佛言行道者當知五陰出入成敗譬如
人命欲盡在呼吸欲死便四百四病中前後
次第稍發便見想生恐懼夢中見蜂啄木
鳥鷃啄頂腦一柱樓上自樂見著衣青黃赤
白自身著見騎馬人拔鬣有聲持笏作枕聚
土中卧死人亦擔死人亦除溷人共一器中

食亦見是人共載車行麻油汙泥汙足亦塗
身亦見是時時欲亦見墮網中獵家牽去或
見自身喜喜觀喜吽或見道積墓子自過上
或見斂鹵鹽錢或見被髮袒裸女人自身相
牽或有灰傳身亦食或見狗亦獼猴相逐恐
或見自身滅欲娶嫁或時見人家中神壞或
時見馬來牯鬚髮或時見齒墮地或時見擔
死人衣自著身或時自身袒裸為塗臙時見
聚土自身轉或時見華及旃著衣行或時自
見家中門弊壞車來到多載油華香亦見昆

弟近自身嚴先祖人現羸恐顏色欲來取是
取共行或時塚間行遽捨華嬰頸或時見自
身倒墮河水中或時見墮五湖九江不得底
或時見入菅茅中裸身相割自敷轉或時上
樹無有蔭無有華無有華戲或時在壇上儼
或時樹間行獨樂太芬焚亦持若干幹樹破
聚薪或時入舍閤冥不得門出或時上山嶺
巖悲大哭或時鳥枕吞足亦蹈或時塵塵坐
頭或時虎遮斷亦狗猴亦驢南方行入塚間
見聚炭髮毛分骨擣碎幹華自身見入檻王

見檻王使問從後現說世間已得多樂根墮
或身墮畏命欲去不得自在病追促病已從
意便動命盡憂近便見夢令人大怖人便意
中計我命欲盡如是夢身所見便意怖便身
殘譬如鳥蹋枕已身近極苦相著便欲自歸
醫已親屬昆弟見病劇便遣使到醫舍呼使
者行便有是相不潔惡衣長爪亂鬚髮載壞
弊車者穿弊履顏色黑眼青車中駕白牛馬
自手摩拔鬚髮呼醫已急駕車使上從後縛
束但坐惡樂意不計好樂不念醫病已壞身

便墮罪器即遣呼醫便念病痛不復得活何以故趣使得相有如是像跏被服語言車蓋鬚髮衣亦如是諱日來呼若四若六若九若十二若十四來至到復觸忌諱日人所不喜醫復何血忌上相四激反支來呼是亦不必日時漏剋星宿須臾疑人取相何以故或時是惡日時漏剋有是人行方便能治病痛病痛有時不能得治是故不必在時日漏剋故慧人不亦喜用曆日仙人常勸當爲求方便治至死若病痛橫有病可能得活若命盡但

說去計如是可至病痛舍從後來結說俱入海水或到或中壞病亦比海或愈或死醫便行至病痛家聞聲不可意亡燒斷破刺撥刮刷出殺去發滅蝕燒斷破刺撥刮刷出殺去發滅蝕不可治已死視南方復見烏鵲巢有聲復見小兒俱相坐土復袒裸相挽頭髮破瓶瓮瓦甌亦見空器舍不著意行至病者舍人見病著人病更惱從彼舍來說醫便視病相遽驚怖驚坐起著病無有力不得自在見如是便念如是經中說死相見顏色不如皮

皺行身如土色舌涎出或語言忘見身重骨
節不隨鼻頭曲脣皮黑吒幹唯舌如骨色不
復知味口燥毛孔赤筋脉不了了被髮髮豎
牽髮不復覺直視偕卧驚怖顏色轉面皺髮
豎熟視或語若干說如經說餘命不足道明九譬
如樹間失火亦如六相死說所聞見若有沐
身未浴身時譬栴檀香或時如蜜香或時多
栴香或時那替香或時根香或時皮香或時
華香或時蘇香或時霍香或時宿命從行相
筋香髮香骨香肥肉盟血香大便香或時璚

香或時烏香或時蜣香或時猪香或時狗香
或時狢香或時鼠香或時蛇香或時譬如人
或時啄木聲或時瓦聲或時澀聲或時惡
聲或時鴈聲或時孔雀聲或時鼓聲或時馬
聲或時虎聲亦有說熟死相中譬如人死時
有死相爲口不知味耳中不聞聲一切卷縮
脉投血肉腸頰車張上頭掉影無有明鬻肉
堅眼黑色黑大小便不通節根解口中上臃
青雙噦計如是病痛相不可活設扁鵲亦一
切良醫并祠祀盡會亦不能愈是便醫意念

是病痛命未絕應當避已便告家中人言是
病所求所思欲當隨意與莫制禁我家中有
小事事竟當還屏語病者家人言不可復治
告已便去病痛家已聞醫語便棄藥所事方
便便止親屬知識比鄰共會環繞病困者悲
哀哭視譬如牛爲屠家所殺餘牛見死牛恐
自及跳場驚怖走入山樹聞叫呼復譬如猪
爲屠家所殺餘猪見驚怖畏効死便聳耳直
視復如魚捕魚墮網者餘魚見驚怖沉走入
沙石間繁藻中藏復譬如飛鳥聚行一鳥爲

鷹鷂所得餘鳥驚分散分走如是昆弟親屬
知識鄰里見哀離別親命欲斷地獄使者已
到將入獄在斯便轉死箭已射已生死索行
罪便牽往過世親屬已還牧髮草縲若忼懣
聲滿口不止出悲語見愛念若干種胞頤涎
涕出呼當奈何病者不復久內見風起名刀
風令病者散節復一風起名遽風令病者斷
結復一風起名鍼風令病者筋緩復一風起
名破骨風令病者骨髓腸復一風起名藏風
令病者眼耳鼻孔皆青髮毛出入一切是孔

令壞斷拔捨復一風起名腹止風令病者內
身膝脇肩背胃腹齋小腹大腸小腸肝肺心
脾腎亦餘藏令斷截復一風起名成風令病
者青血肪膏大小便生熟熱寒從令幹從處
却復一風起名節間居風令病者骨骼直掣
振或時舉手足或把空或起或坐或呻啼或
笑或瞋已散節已斷結已筋緩已骨髓髓已
精明等去裁身有餘在心已冷如木已棄五
行并心中羸羸裁有餘微譬如燈滅有餘明
裁心有餘但有微意識是人本所行好醜罪

福心便見今世若有好行意便喜若惡即時
慙尋好處者意喜隨惡處者意即愁慙譬如
人照淨鏡盡見面像髮白皮皺生腫垢塵或
齒墮或齲齒見身從老屢如是即自慙閉目
放鏡不欲見以放鏡憂愁我已壯去老到顏
色醜樂已去如是素行惡在意從惡行彼憂
愁悔受苦惱不可意自責今我隨惡處為無
有疑若如行者行三好若干守行願最好行
者多好即時喜多喜意可自喜我今上天亦
好處譬如賈客從澀道得脫出得多利歸家

到門喜亦譬如田家願獲五穀著舍中亦如
病痛得愈安隱亦如負債已償素行好亦如
是合好行譬如蜜蜂便意生我已到好處即
時身精識滅中便有陰譬如秤一上一下如
是捨死受生種譬如種禾根生雙如是中時
滅識即時中生五陰具足不少死陰亦不中
得五陰往亦不離死五陰爲有中五陰但有
死五陰故中五陰生譬如人持印印好泥泥
中便有印像印亦不往至泥泥亦不離印像
譬如種生根種亦非根根亦不離種人神亦

如是小大如法從生往至中從是本會有好
行者中得好五陰惡行者得惡中得陰者爲
天眼行中止者爲三食樂念識中止者或跏
一日或跏七日止到父母會亦所墮處從中
止當到所墮即死時已生中陰便生千思或
見念便癡生最惡行者便自然大火邊亦若
千百千鷄鷹鷄共會亦見人惡爪面齒被服
然頭爲手中行若干種毒身自見遠叢樹便
意生生入中便中陰滅生所墮處即時不久
便見力葉樹墮中是名爲地獄五陰生入罪

明九

十一

咸所惡行便見猛烟塵火風雨來著身復見
象師子虎虺自恐身亦見丘井亦合後亦止
絕崖岸生意入中便捨中陰身已意生便滅
中陰墮處生即時不久到畜生後現行極癡
無有祀持惡意向父母常喜可麤言瞋恚縛
捶行惡是不與取便墮畜生罪輕滅便生
熱風命飢惱身刀矛鑽繞還人亦見大坑意
生當入是即意生便滅中陰受所墮處陰便
即時墮餓鬼如是墮名爲餓鬼從有說行兩
賤賤人共語亦譏失誠誣妄論議一切食不

避惡不淨從善還不行法語便墮盟血唾涌
泥是名爲墮餓鬼處行最好者得最善樂亦
得香風吹若干種華見自散身若干種妓樂
聲相隨若干種樹在園中意生即入時意已
生便中陰滅所應墮陰受生便即時受天上
身如是墮天上有福行者隨應上天已有不
離法是爲墮天種若墮人中從本行受殃福
父母亦聚會夙行應男從生福亦止等同時
父母收精胞門不堅從風熱寒亦不洩亦不
邪曲亦不屢亦不澀亦不計思飯不起不慢

不殺胞門亦不像粟不像輪亦不像狸亦不像麥中央亦不像百剛鐵中央亦不像錫中央一切門無有惡精亦不薄亦不厚亦不腐亦不黑亦不赤亦不黃乘色亦不散亦不風血寒熱雜亦不小便合精神已止精神念往

明九

十二

意生欲却男自身代共樂羸人羸人便惡父
悋母已悋不悋增意生當却是男欲獨與羸
人共樂已即跬胞門意生已却男我已羸行
禮父母即時墮精神便到意生爲是我精即
可意喜生已喜生中跬滅便在精血生識在

精中復生愛中愛識不墮精但從本復生愛
識精是見身所愛在精生是爲痛痒種已知
爲精爲精者爲思想種所成本行念爲生死
種已知精爲識種是爲五種要即時得兩根
身根心根精已七日不滅二七日精生薄如
酪上酥胞三七日精凝如久酪在器中四七
日精稍堅如酪成五七日精變化如酪酥六
七日如酪酥變化聚堅七七日變化聚堅藏
譬如熟鳥麤八七日變化滅鳥麤譬如摩石
子九七日在摩石子上生五脰兩肩相兩腋

相一頭相十七日亦在摩石子上生四肘兩
手相兩足相十一七日亦在摩石子上生二
十四肘十在手指相十在足指相四在耳目
鼻口止處相十二七日是肘爲正十三七日
爲起腹相十四七日心脾腎肝心生十五七
日大腸生十六七日小腸生十七七日胃生
十八七日生處肺處熟處十九七日髀膝足
臂掌節手足趺約二十七日陰齋乳頸項形
二十一七日爲骨髓應分生九骨著頭兩骨
著頰二十二骨著口七骨著咽兩骨著肩兩

骨著臂四十骨著腕十二骨著膝十六骨著
脇十八骨著脊二骨著喉二骨著髀四骨著
脛十四骨著足百八微骨生肌中如是三百
節從微著身譬如瓠二十二七日骨稍堅譬
如龜甲二十三七日精復堅譬如厚皮胡桃
是爲三百節連相著足骨連膈腸膈腸連髀
骨髀骨連背脊腰骨連肩肩連頸頭頸頭連
頭項頭項連齒如是骨聚硯礪骨城筋纏血
澆肉塗革覆福從是受痺不知痛痒隨意隨
風作俳掣二十四七日爲七千筋纏身二十

五七日三百六十節具二十八七日肉哉生
二十九七日肉稍堅滿三十七日皮膜成臘
三十一七日皮膜稍堅三十二七日膜腥肌
生三十三七日鼻脾脂節約診現三十四
七日身中皮外生九十九萬孔三十五七日
九十九萬孔稍稍成現三十六七日爪甲生
三十七七日母腹中若干風起或風起令目
鼻口開已開入或復風塵起令髮毛分生端
正亦不端正或復風起盛肌色或白或黑或
黃或赤好不好是七日中腦血肪骨髓熱寒

涕大小便道開三十八七日母腹中風起令
得如夙命行好惡若好行者便香風起可身
意令端正可人惡行者令臭風起便身意不
安不可令骨節不端正或瞋睨或僂或輓或
魑人見可是三十八七日為九月不滿四日
骨節皆具足兒生夙行有二分一分從父一
分從母或時毛髮舌咽齋心肝脾眼尻血從
母或爪甲骨大小便脉精若餘骨節從父宿
行從母受生熟在下熱在上兒在右脇背向
前腹向後止處臭惡露一切骨節卷縮在革

明九

十四

囊在腹內血著身在裏處大便肥長九月餘
有四日一日二日中若夙行好便意生我在
園中意計若在天上若惡行者意生我在獄
止二日意在三日中即腹中樂三日意在四
日中一日一夜母腹中上下風起兒從是風
倒頭向下足在上墮母胞門中夙行好於母
胞門中意生墮池水池水中戲復意生在高
牀上若香華中宿命行惡者意生從山墮樹
上墮岸上墮坑中墮溷中墮蒺藜中墮茅中
墮網中墮刀矛蘭中從行憂惱忽忽亦從喜

從樂名聞好惡行自縛身在所到自更得便
出既為胞門所纏裹產戶急窄墮地中風復
為人溫湯所澆手羸身逼痛如瘡從是便忘
宿行腹中所更已生從血臭故便聚為邪鬼
魂飛屍各魑魅^{明九}魍魎行父亦如是譬如四
街有一齋肉為鴟^{十五}鵂^{十五}鳥鵲衆鳥所爭各自欲
得邪環繞嬈人如是夙行好邪不能得著夙
行惡邪能得著生不久母便養乳稍大便飲
食已能飲食八十種蟲生身中二種髮根生
三種著頭一種著腦二種著中腦三種在額

二種著眼根二種著耳二種著耳根二種著鼻根二種著口門二種在齒三種在齒根一種在舌一種著舌根一種口中上腭一種在咽二種在膝下二種著臂根二種在羊夫一種著肘二種著脾一種著心一種著乳根一種著膈根二種著脇二種著背一種著脊根一種著皮二種著肉四種著骨五種著髓二種著大腸二種著小腸一種在熱處一種在寒處一種在大便道三種在大腸根二種著腕根五種著陰根一種著指節約一種在脛

一種在膝頭一種在足跗如是八十種蟲著身中日夜食身身便生寒熱風病各百一雜餘病復百一如是并四百四病在身中譬如不中出火還燒木病亦從身生如是但壞身無有異如是從內壞病亦中勿復問從外惱常壞惱今世現在身常著衰世間人不聞者意計身樂但不至誠見故髮毛爪齒心肉肌骨精血熱惱生熟涕唾屎尿從身流非常亦不淨癡人計為淨都盧兒撥肌合裁如一酸棗為裏者身從如是酸棗肌癢不聞者世間

人得調身自壞隨惱譬如魚但見餌不見鈎
不見網復譬如小兒舐利刀蜜但嗜甜不見
刀刃復譬如金錯塗銅賣欺人癡人不覺以
爲純金故買爲自侵如是世間人或見如酸
棗肌裹身從受若干惱不覺如是酸棗肌發
去但有肉骨血在人足踐蹋常惡不敢視誰
敢抱持者素行殃福已盡或時橫命盡如陶
家作器或時在拘或從鞭或從行輪或已行
或作幹流時入竈火燒燒時或已熟出時或
給用時要會當壞人身亦如是或從墮腹中

或不成根去或不具根去或臨生時去或逼
生去或在學業時去或時從十六至三十八
十百歲或不啻久久要會當死陰如是定不
久有生輒滅舉足滅下足滅世間人不聞者
自計小時身壯時身老時身爲是我身與行
道者意異行道者從是有是從無有是無有
是何等爲從是有是從罪行有死中從中識
墮業薄從薄凝從凝稍堅六根從六根便生
從生兒身從兒身壯長從壯長得老病死身
如是常隨如是世間輪不斷無所屬空如幻

逐不止譬如火起城中大風吹舍舍相然第一舍火非第二舍火亦不啻但爲上舍以然次舍復然如是轉旋生死亦如是是因緣無有是亦無有是是滅是亦滅何等爲無有是亦無有是素行殃福無有死中亦無有已無有中當那得往已不得往當那得生已不得生當那得老病死生死如流水不行生死業便正道行者當知是五陰本從生滅道地五種名爲成壞章
神足行章第六

明九

十七

慧情入心如水破惡從樹離種華度世樂功德聚涼風可樂無有過自歸一心向在在中止觀意如稱攝鉤牽聞經中止觀世間明叉手持頭面從三界皆作禮彼或時行者居前止便得觀或時行者當得止觀居前得止若行者止意已得應從觀得解若行若觀已足當應從止得解止觀相云何若意在使一因緣止止不動不或念餘是應正相若在止處偏分別偏去如相觀思惟如有受是應觀相譬如買金家見金不觀試如是應止若持

舍試知是金某國某處雜銅不真知石色好
醜長短圓方軟亦餘病觀譬如是譬如人刈
芻左手把芻右手持鎌便斷芻彼譬如把芻
是應止如斷芻是應觀譬如行者見髑髏熟
諦視若如開目見閉目亦見亦爾無有異是
應止若分別觀頭骨異頷骨異齒骨異頸骨
異臂手脇胛膝足骨如是觀如是見骨連從
四因緣致有何等爲四食禮行合骨見非常
苦空非身從不淨生無所有是應觀要聽止
觀相不分別是爲止分別是爲觀止意行者

持何等行得止意報若干因行止意聽說要
止意二因緣方便行得止意一者念惡露二
者念安般守意惡露行云何是間行者等意
念一切人令安隱便行至父樹便行至觀死
屍一日者至七日者胙脹者青色者如盟者
半壞者肉盡者血澆者骨骨連者筋纏者若
澆若解散四面無有數手破破譬如鴿色彼
行者自在取一敷意令知不久意著止令意
在敷處熟諦觀著自知今是敷處是間在父
處自見遠在所見亦如是是空處一處便正

明九

十八

坐便見如敷因緣在地所見隨亦如是便行
無有聲處無有說處人空處一處便正坐便
見如上父處令意見念無有異若行者從敷
因緣失不受念意不生便復往至父樹令意
受敷因緣相令意坐亦引不離念常在前若
行者意敷因緣出入遠行常在意心不遠離
已晝夜在心令半月一月一歲復不啻令行
不失行令行時止時坐獨坐時多衆中共坐
時病疲時有力時連隨常念敷意因緣在前
跏令敷因緣令如是非常苦空非身不淨無

所有知本因緣敷意行念無有異若已意在
敷處得自在便持嚮自身觀若見死屍亦自
身等無有異便若見男子若見羸人若見老
若壯若少年若不端正若袒裸若著衣若莊
嚴若彼亦爾如敷念處若意念所在所在一
切無有異便已應從念惡露得止意是時意
隨行念不離行增滿譬如何入海
五十五觀章第七

行道者當為五十五因緣自觀身是身為譬
如沫不能捉是身為譬如大海不厭不足五

樂是身為譬如大河日願至死海是身為譬如大便慧人不欲故是身為譬如沙城疾壞散去是身為譬如會壞城多怨家是身為譬如化城不自有亦不可取是身為譬如骨關肉血塗是身為譬如弊壞車筋纏故是身為譬如家猶貪恚癡聚是身為譬如荒澤中常癡失亡是身為譬如忘善意常忘失是身為譬如榆百八愛行是身為譬如破瓶常漏是身為譬如畫瓶內雜最惡滿是身為譬如清溷九門故是身為譬如軒孟人所惡故是身

為譬如幻癡計諦是身為譬如疥是身為譬如意著苦故是身為譬如腐穀舍飲食壞故是身為譬如大窟多蟲多蟲止是身為譬如骨嚙罪如滿狐猴不失是身為譬如不熟器疾壞故是身為譬如一囊兩口淨入不淨出是身為譬如幹垢常衣幹是身為譬如車常行至葬地是身為譬如露霧不久止是身為譬如瘡上漏是身為譬如盲不知諦是身為譬如處四百四病是身為譬如坑一切不淨聚是身為譬如地孔虺止會是身為譬如空

把爲癡人所欺是身爲譬如塚間常可畏可怖是身爲譬如虎師子共居瞋恚惡然是身爲譬如顛疾感八十八結行故是身爲譬如垣常塗畏死是身爲譬如銅塗金肌覆故是身爲譬如空聚常中細六衰是身爲譬如餓鬼常求食飲是身爲譬如畏遽常老病死是身爲譬如腐髑髏常爲衣灑是身爲譬如怨家常成事逢惡因緣是身爲譬如迦陀樹皮皮中央無所有癡人意是身爲最重是身爲譬如度載多船小是身爲譬如腐囊腥臭是

明九

二十

身爲譬如深冥六十二疑不自守是身爲譬如嬉妬可不可不得不受是身爲譬如腐垣譬如從惡念因緣是身爲譬如結垢内有惡是身爲譬如不意常著外衰是身爲譬如無所依如無所依舍愛不愛礫一切是身爲譬如不可近近常破碎是身爲譬如無有能護時時爲病礫一切是身爲譬如無有自歸死來時不得離故

道地經

切	也	爲	也	悉
沫	踴	鰻	魑	草
水莫葛切	市充切	鰻稱脂切	魑魍許居切	似蓬者
揄	餌	爲	覲	鳧
引雲俱切	食也	而小者	切耗鬼物也	尺救切
嚙	舐	嚅	嚙	魑
呼官磔七感切	舌舐物也	齒斷也	嚙肉腐也	魑步末切
礫	輶	咽	鷗	魑
石切	古田	因喉	鷗鳥	魑草欲切